


洞真上清開天三圖七星移度經卷下左

帝君豁落七元符



右雌黃書生碧



右空青書絳



右朱書青碧 一云黃書素



右雌黃書白素



右雌黃書生紫 一云黑書素



右黑書黃素



右朱書青碧

右豁落七元內符帝君以授天帝君天帝君以傳南極上元君南極上元君以傳太微天帝君太微天帝君以傳金闕君金闕君以付上相青童君使授應仙之人依四極明科經

符皆七百年一出傳授之法弟子若告齋七日
費青紋三十一尺亦青縉七十尺鳳紋之羅
九十八金鈕七雙金魚王龍各一雙以為告
誓之信無信而受經謂之輕泄天寶達信而
授經名曰漏天道聖人貴道而輕財故有信
而傳之為人怯財而尋道道亦遠矣雖於泄
漏之中得見寶文身沒鬼官殃及七玄亦無
益於從得矣若有志心丹情空託上啟玉皇
名言東華栖身幽岫遠迹人間割已衣食乃
可啓而付之夫學生之士而不知天有開關
地有艷都開關統神艷都主鬼此是二帝主
應乘生死係由七星之紐機故七星移而度
之北帝無六宮之名開關有記仙之錄玄斗
廢以華蓋七元授以豁落去仙之路近在咫
尺南極上元君言人之有志皆七星九皇玄
照其心精求苦念自得此經修行七年白日
登晨若但奉此經未得思存燒香左右七星
之精亦常玄照其房艷都之宮不敢經近其
身也行移度七星事畢次思存帝尊二星當
平坐東向叩齒三十六通存帝尊二星高上

玉皇八景元君九尊太微玉帝君太素七星
元君同著飛雲紫錦裙玄晨之冠從玄斗中
下降入我身呪曰
高上玉皇八景元君九尊太微帝君太素七
星元君九變混合上帝二尊為我上開天關
移度玉名斷塞鬼戶北帝六宮死根斷絕上
昇七元賜我八景七精九皇飛輿綠轎同登
帝晨總朝皇妃攝御萬靈
畢燕炁三七過

玉帝開天關飛空上符



右雌黃書生君

洞真上清開天三圖七星移度經

卷下

右帝尊二符上登七星華蓋之中二尊星治
在華蓋之下華蓋常覆二星精光不見人無
見者故金書玉字云得見二星延壽六百年
子無二帝飛空上符則不得上登華蓋之下
二星亦不見於子得佩二符二帝自以玄光
映子之身修行七年白日昇晨

北帝鄴都六官度死法

鄴都山在北方癸地故東北為鬼戶死炁之
根山高二千六百里周迴三萬里其山下洞
天元在山之下周迴一萬五千里其上下並
有鬼神宮室山上有六宮洞中又有六官一
宮輒周迴千里是為六天鬼神之宮

第一宮名紂絕陰天宮

第二宮名泰殺諒事宗天宮

第三宮名明晨耐犯武城天宮

第四宮名恬照罪炁天宮

第五宮名宗靈七非天宮

第六宮名政司連究屢天宮

右六宮是北帝所主六天鬼神所治領人之
名死者莫不由鄴都六宮也是故帝君常以

七星移度學仙之人過天開闢南極之宮斷
寒東北之死門也子行移度都畢當叩左齒
九道呼六宮之名而呪曰

吾是帝君之臣名書玉清不統六天北帝鬼
宮悉是我管我之所部何鬼敢生右佩豁落

左帶火鈴擲火萬里威制萬靈有犯者戮有
干者刑帝君有命收捕無停

如此都畢一呪則天光駭動萬魔東形三呪

鬼妖滅種六宮絕人死名天關度人南極生

人學不知鄴都官名鬼神所治不學斷塞死

都亦萬無成仙

五離解過絕死度生上法

行六會移度之道當修五晨離於死戶於度
生宮飛仙上法當以壬申丙申戊申甲申庚

申死五離之日是時帝君高宴景龍之與綠

霞飛耕從仙官玉女周旋十天下降人間看

察學子仙之人命北帝太陰五君齋死錄上詣

平都主善宮推校死生簿錄五方五星真皇

道君各統一方統領諸仙應得道者言名東

華有陰罪陰過陽罪陽過結在北帝者太陰

君言名鄴都之宮離別善惡生死之人是故
 五離之日首罪於太陰修生於太陽落死籍
 於北帝求仙錄於五星每至其日齋戒衣服
 燒香入室悔過念善存神內思一心注玄無
 有他念帝君周行五界神官自記子之功言
 名於玉皇也如此五年尅得五星真皇來降
 子室也至此日平旦日中夜半三時入室燒
 香北向再拜叩齒三通存呪曰
 高上玉皇帝君乞丐原除我七祖以來下及
 其身所行陰惡無道殺生媿慢妬害正法千
 餘萬犯陽罪陰過名奏北帝者並乞丐除散
 削滅罪名斷落死根度人天關得在東華書
 宇玉篇七祖父母及胎前仙畢便思北方辰
 星中真皇道君精原著紫錦飛霜腰帶虎符
 首建黃冠乘錦霞飛雲從十二仙官從北方
 來下降覆我身光色翁鶴煥赫精芒仰而呪曰
 北上真皇總統飛仙乘雲迴軒乘冠我身乞
 爲我填塞鬼戶離絕死根言名玉清拔釋天
 關我得去離北帝上昇南軒壽與真皇同保
 北辰

便燕炁二十五過止東向再拜叩齒三通
 存呪曰
 玉晨太上君太極元景君乞丐原其年一以
 來所行陰罪陽過上及七祖宿對重愆結在
 三陰者並乞披釋離滅罪名填塞死根北帝
 除我宿結東華記我玉篇七玄父母同昇帝
 晨畢次思東方歲星中真皇君青牙著雲錦
 龍紋之裙腰帶虎符首建黃瓊之冠乘碧霞
 飛雲玉輿從十二仙官從東方來下降覆我
 身光色鬱鬱煥爛東方仰而呪曰
 東方中真流霞九門光暎內外覆冠兆身乞
 丐賜我告下北帝離我死根度我玉名東華
 內真我得昇度永離死路七玄父母咸享福
 祚與月俱生與日同暮乘虛浮空上登飛步
 便燕炁九過止南向再拜叩齒三通存呪曰
 上清三元君南極上元君太陽九炁玉賢元
 君乞原其有知以來所行元惡不孝謀反無
 道姦淫偷竊陰罪陽過上及七祖宿結流連
 簡目在於太陰罪名係於北辰乞丐披釋離
 滅三官宿對之日填絕死炁之根過度東北

之戶上昇西南開關七組父母咸蒙帝恩
 畢次思南方榮惑星真皇君維摩著雲霞鳳
 華龍鈴腰帶虎符首建玄晨之冠飛青錦衣
 乘丹霞絳輿從十二仙官南方來下降覆我
 身光色煥赫如日之昇仰呪曰
 南方真皇玄象流光徘徊三門參駕丹輿上
 昇七元光明內暎洞冠我身爲我除絕北帝
 罪名解結散滯消滅太陰身離鬼戶之中斷
 滅宿對之根上披天關昇入南軒七組父母
 同謁帝前
 便八燕炁止西向再拜叩齒三通存呪曰
 太素三元君四老道中君乞丐原赦有識以
 來所行所犯始如賢能輕世經文復載崇塵
 障慢三光呪誓悲淚上觸帝君宿對結在太
 陰罪名係於鬼官者乞丐披釋離滅考根斷
 塞死路度名生門七組父母上昇北堂
 畢次思西方太白星真皇君蒙凌著皓錦流
 鈴之裙腰帶虎章首建扶晨冠乘素霞飛軒
 從十二仙官從西方來下降覆我身光明洞
 徹煥赫西方便仰呪曰

西方真皇素映玄標參駕玉輿素華鬱霄迴
晨來降真形披交為我迴轉九戶度身皇朝
身離太陰之錄上昇玄宮同誥壽傾天地億
年不彫七玄父母咸登晨霄畢便六燕悉止
次向中央再拜叩齒三通存呪曰

高上大帝君玉皇君乞丐原有某受生以來
迄于今日所行所犯億億此罪七祖宿對連
染不解事結太陰者並乞解除披釋散絕北
帝玄名斷絕於地鬼尸死悉之根度名天關
歷過五晨七玄父母咸蒙更仙

次思中央鎮星真皇君耽騁廷著黃雲龍錦
虎君腰佩金符首建紫冠駕黃霞飛輿從十
二仙官從中央來下冠覆我身光明洞徹煥
落中元便仰呪曰

中央鎮星真皇君總攝五帝運轉玄綱參駕
黃霞周行四方為我落絕死根度名南陽之
宮離五還六與我同翔變化萬律永享無量
上登太極金闕玉堂七祖父母同符利昌
畢便燕悉十二過止五離首過於五帝存五
晨以度生事畢於此也若常至其日行之不

廢七年感徹五晨真皇見形於子寢房也太
帝自遣五方玉女五人衛子之身北帝太陰
亦來朝子之門不敢拘子之罪也學仙求真
宜勤行焉悔過求仙之道是上相青童君請
金闕聖君之法為後學求生之者作戒爾非

太帝君之悔過也行其事帝君亦監子之心
自宿過不盡六天之宮亦不落子死名開關
之門亦不度子之身是故離合之府開關之
門開關之門為度生之宮離合之府為填死
之源也惟在精求便得其真也

帝君明燈內觀求仙上法

南極上元君受帝君常居朗玄之臺金房紫
戶之內明玄燈以自映通霞光於八憲念太
真於五形披三願於帝房靈上升以紫蓋元
皇給以金童自然號我帝位總掌於玄宮太
品生乎始妙道在微芒今以相告子勤奉焉
告南極上元君曰子學神真之道處靈宮之
上瓊房之內而不知明燈以自映通玄光於五
藏之內因得明矣形體之神因得歸也子若能
暮明燈於本命朝明燈於行年常明燈於太

歲上三處願念即體澄悉正真光明照萬神
朗清元君奉受法度施行三年即致夜光童
子二十四人玄光自然而明不須明燈而通
光也然此上真清之妙法亦不傳於下世若
有金名玉字玄格者得吾此道行之九年身
體光明徹見萬里玄觀自然夜光童子降子
之房授子真書白日登晨常明燈於所住靜
室本命之上暮入室向燈長跪叩齒十二通
呪曰

玄光映太陰八達朗且明澄神曲室裏仰徹
曜上清五暉發玄臺玉芝自然生洞照通太
真萬神監我形削滅九陰悉記上東華名保
我無終休長與日月并拔度七玄難南宮更
受榮明光啓玉皇上受內觀經天降飛霄輦
騰空御綵輦得謁太帝館進拜玉皇庭畢再
拜向本命仰頭嚙液七過止又常明燈於行
年之上朝向燈叩齒十二通呪曰
明燈照行年散光煥八方嬰嬰色象澄內觀
朗空同披釋朗神矜子與玉真通仰宗高上
道眇邀無形蹤思得玄雲降控轡御飛龍却

我百年期還返嬰兒容賜我西華女給我金
晨童侍香履年命稽首玉皇房神泰道亦暢
惟適香煙中整心住太玄精感洞虛無室招
神霄降眼目矚仙公技過七祖難度形還南宮
畢再拜向東嚙炁二七過止常於太歲上明
燈以通神履願以求真三年玄光內映神真
下降授子不死之方當時自有感應也當朝
夕燒香叩齒十二通向燈呪曰
燈火映太真明光徹玄虛披朗無上道心注
玉帝虛洞達空洞內神觀形自舒積感致靈
降心恬理潛居朝禮太帝堂夕誦念真書道
遙玄都裏萬歲反嬰孩天冠紫霄霞帝給六
瓊與浮遊五嶽顛適意得所如七祖免三塗
福慶有盈餘
畢再拜嚙炁二七過止若能常於三處明燈
不滅七玄九祖即得去離十苦上昇南極一
身神明澄正目視萬里耳聰遠聽心智通智
未然神真來降夜光童子當教子求仙之道
九年如此靈光自明通於表裏也五離首過
於五帝存五晨以度生事畢於此也

帝君五願求仙上法

帝君常以九月九日十月五日三月三日四
月八日七月七日此五願十會之時也上登
太極瓊臺高上玉殿金室之內存五願於瓊
宮希玄真以自降虛無於以玉章金音暢於
太空召五帝以衛靈慶萬會於丹房故有感
而致真真亦感發而降焉是其日常沐浴清
齋入室燒香心拜四方正東向平坐東向者
是當陽始暉之方也叩齒三十六通第一上
願我生自然之炁炁中結成我身身與三光
齊倫長身無極之根二願我身常處太空之
上瓊宮玉房之裏朝與玉帝同宴夕與玄母
同止渴喻浪井洪泉玉芝鐵納龍胎瓊腴絳
樹赤子三願我身生萬端七十二光奇毛異
骨飛羽衣裳乘虛駕空出入帝宮眾慶來鍊
萬壽無量四願與無俱生與無俱死而又
生生為真皇封掌十天總領羣仙五願一切
眾生已生未生同保日月三光有道之人七
玄之祖上昇南宮天下之福靡有不當四方
五願並會玉堂次上願九玄扶養我身魂魄

真神常居我官上通天仙下達洞淵願天願
地願風願神願仙五願一合定籍長生天降
紫煙地衛五靈乘雲駕虛飛輦綠轎上造金
闕進登玉清慶及七祖更受胎生五願五合
長享利貞中願亦五得道本根願陰願陽願
太空願太無願太玄上宴玉房與帝因緣遊
眇生闕披浪九天元父定籍玄母記年桃康
結精保固丹田身騰金闕名書玉篇七祖解
脫福慶來臻下願亦五願太虛願太有願太
上願太真願神仙運身於五嶽之嶺飄飄九
霄之際出入開闢之裏移脫死尸之外願天
地為我父母三光衛我萬年神守九源之孔
靈降自然之炁八方五願與響而會五願畢
叩齒二七通呪曰
太帝上元帝一玄經五雲散景鬱鬱三清玉
童玉女燒香侍靈上願開陳與我合形使我
神仙上昇帝庭北帝落死南斗注生東華金
闕得上我名無窮之願與我齊并
呪畢又叩齒三七過仰嚙炁五通止
此帝君開陳上願與靈合形之道也常能爾

者則玉華侍衛玉童散香上徹九天感應帝
皇五年如此道自降矣天下十方有道之願
道無不降子之情口願之際當令心意在一
不得他念外想真神散越則願不降也履淹
冒織真亦遠也帝君上願五會之道畢於此
也每至其日若能精心願念如法帝遣玉童
衛子之身招致五方之願神仙之道來降爾
形如此五年尅來飛雲上昇九天列名東華
七祖父母亦荷福慶得去三塗受仙南宮也
南極上元君曰世人之學唯知朝求而暮獲
一念而希降吐呪而望應而不知登栖岐之
嶺起於山跡千丈之木出於毫末道高而真
妙豈可發足而望登於雲梯耶帝君受炁而
掌真猶尚明燈以自通五願以希慶豈不能
包於自然也夫求仙之道皆當先願而後求
願感而致靈爾五願之大也願亦無所不包
福亦無所不覆慶亦無所不流可謂願善
矣若能精心在願願亦無不響應後來有情
者為後訪而意焉

上相青童君曰吾往學經歷七百年涉峻登

巖越東跨西殊南經北道還中原經師三十
二人凡受三百餘事未得上登金闕諸聖君
受靈書紫文服日月黃華拘魂制魄之道結
璚鬱儀九真八道解形避變紫度炎光流金
火鈴吐納飛靈騰空步雲躡行七元寶經聖
君以七星移度大帝所寶告盟見授使斷落
六宮死名填塞東北鬼戶上開天關移度我
身然後可得上登三元奉行遂得上相之司
總領羣仙七星煥落於天迴轉九元之精上
乘三元之炁下統六天之名生死離合莫不
由於七星故人為斗所加則死斗所移則生
故七星為天之相開關為慶生之府夫學不
知斷死戶於東北度生自於南關生可不保
乎上帝以此經秘於六合之房命西華玉女
金晨玉童三百人侍衛靈文後傳眾真乃出
於名山

西城王君後於玉屋石室之內見有此文王
君方退齋三月齋信諸山奉授披省是七星
移度修行其道得成真人自無玉名成仙之
人莫得聞見此道有經之于鄴都之六宮便

記子之名移度南關况復修行之耶王君云
此本有三卷天關天圖二卷不行於世南嶽
夫人所受正得此一卷七星移度爾

洞真上清開天三圖七星移度經卷下